



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՄԵԾԱՄՈՐ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արմավիրի մարզի Մեծամոր համայնք
ք.Մեծամոր, 060656505 info@mecamor.am

Ո Ր Ո Շ ՈՒ Մ

20 մարտի 2025 թվականի N 709-Ա

ՄԱՍՆԱԿՑԻՆ ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 35-րդ հոդվածի 1-ին մասի 24-րդ կետով, «Գնումների մասին» ՀՀ օրենքի (այսուհետ՝ Օրենք) 6-րդ հոդվածի 2-րդ մասով սահմանված պահանջների համաձայն, ուսումնասիրելով ՀՀԱՄՄՀ-ԳՀԱՇՁԲ-24/89 ծածկագրով գնման ընթացակարգի (այսուհետ՝ Ընթացակարգ) պատասխանատու ստորաբաժանման ղեկավարի կողմից 2025 թվականի մարտի 6-ի և 2025 թվականի մարտի 17-ի զեկուցագրերով ներկայացված «ՎԱԼ-ԿԱՐ» ՍՊԸ-ին (այսուհետ նաև՝ Մասնակից) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով ներկայացված հիմքերը, պարզեցի հետևյալը.

1. Պատասխանատու ստորաբաժանման ղեկավարի ներկայացրած փաստերը և պահանջը.

Պատասխանատու ստորաբաժանման ղեկավարի կողմից Պատվիրատուի ղեկավարին ուղղված 2025 թվականի մարտի 6-ի զեկուցագրով հայտնել է հետևյալը.

Մեծամորի համայնքապետարանի /այսուհետ նաև՝ Պատվիրատու/ կարիքների համար 2023 թվականի հոկտեմբերի 31-ին հայտարարված ՀՀ Արմավիրի մարզի Մեծամոր համայնքի բնակավայրերի փողոցների գազաֆիկացման աշխատանքների ձեռքբերման Ընթացակարգի շրջանակներում 13-րդ, 16-րդ և 17-րդ չափաբաժինների մասով ընտրված (հաղթող) մասնակից է ճանաչվել «ՎԱԼ-ԿԱՐ» ՍՊԸ-ն (ՀՎՀՀ՝ 04221191, գործունեության հասցե՝ Հայաստան, ԱՐԱՐԱՏ, ԱՐՏԱՇԱՏ, ՄԱՐԲՍԻ Փ., Շ 6, Բն. քն.42, հեռ.՝ +374099-03-58-55, էլեկտրոնային հասցե՝ profartllc@mail.ru), որի հետ Օրենքի 15-րդ հոդվածի 6-րդ մասի համաձայն 2024 թվականի սեպտեմբերի 19-ին կնքվել է ՀՀԱՄՄՀ-ԳՀԱՇՁԲ-24/89-3 ծածկագրով կապալային աշխատանքների կատարման պետական գնման պայմանագիր (այսուհետ՝ Պայմանագիր), որի շրջանակներում հետագայում հատկացվել են ֆինանսական միջոցներ և 2025

թվականի հունվարի 31-ին ու 2025 թվականի փետրվարի 11-ին ծանուցվել են համապատասխան համաձայնագրեր, առաջարկելով 15 աշխատանքային օրվա ընթացքում ստորագրել այն երկու օրինակից և ներկայացնել Պատվիրատուին, միաժամանակ, տեղեկացնելով, որ նշված ժամկետում համաձայնագիրը չստորագրելու և չներկայացնելու դեպքում պայմանագիրը Պատվիրատուի կողմից միակողմանիորեն կլուծվի՝ համաձայն Հայաստանի Հանրապետության կառավարության 2017 թվականի մայիսի 04-ի N 526-Ն որոշման 1-ին կետով հաստատված «Գնումների գործընթացի կազմակերպման կարգի» (այսուհետ՝ Կարգ) 33-րդ կետի 12-րդ ենթակետով սահմանված պահանջների: Սակայն սահմանված ժամկետում՝ մասնավորապես 2025 թվականի փետրվարի 21-ը և 2025 թվականի մարտի 4-ը ներառյալ չի ներկայացվել մասնակցի կողմից հաստատված համաձայնագրերի տարբերակները:

Հաշվի առնելով վերոգրյալը ինչպես նաև՝ այն հանգամանքը, որ «ՎԱԼ-ԿԱՐ» ՍՊԸ-ն թույլ է տվել պայմանագրային պարտավորությունների խախտում որոշում է կայացվել միակողմանիորեն ամբողջությամբ լուծել Պայմանագիրը՝ 2025 թվականի մարտի 7-ից 13-րդ և 16-րդ չափաբաժինների մասով, միաժամանակ առաջարկելով Մասնակցի կողմից ներկայացված որակավորման և պայմանագրի կատարման ապահովումները՝ միակողմանի հաստատված հայտարարությունների տուժանքների տեսքով գանձել, համապատասխանաբար՝ 2,320,632.34 (երկու միլիոն երեք հարյուր քսան հազար վեց հարյուր երեսուներկու ամբողջ երեսունչորս) ՀՀ դրամի չափով և 3,480,948.51 (երեք միլիոն չորս հարյուր ութսուն հազար իննը հարյուր քարասունութ ամբողջ հիսունմեկ) ՀՀ դրամի չափով:

Նշյալի մասին՝ 2025 թվականի մարտի 7-ին գրությամբ տեղեկացվել է նաև Մասնակցին սպասարկող բանկային կազմակերպությանը, ինչպես նաև Մասնակցին, առաջարկելով սահմանված կարգով ապահովել նշյալ գումարների փոխանցումը Մեծամորի համայնքապետարանի հաշվեհամարին, միաժամանակ, տեղեկացնելով, որ վերոնշյալ գանձումների անհնարինության դեպքում Մեծամորի համայնքապետարանը վերոգրյալի վերաբերյալ տեղեկատվությունը տրամադրելու է լիազորված մարմին՝ ՀՀ ֆինանսների նախարարությանը, «Գնումների մասին» ՀՀ օրենքի 6-րդ հոդվածի 2-րդ մասով սահմանված պահանջները կիրառելու նպատակով:

Պատասխանատու ստորաբաժանման ղեկավարը Պատվիրատուի ղեկավարին ուղղված 2025 թվականի մարտի 17-ի զեկուցագրով հայտնել է հետևյալը.

Մասնակցի կողմից սահմանված ժամկետում չի ապահովվել վերոնշյալ պահանջի կատարումը, մասնավորապես՝ 2025 թվականի մարտի 10-ին Մասնակցին սպասարկող բանկի կողմից ստացվել է գրություն, առ այն, որ «ՎԱԼ-ԿԱՐ» ՍՊԸ-ի դրամական միջոցները բավարար չեն տուժանքների հետ ներկայացված Վճարման պահանջագրերի կատարման համար:

Հաշվի առնելով վերոգրյալը, առաջարկում ենք «ՎԱԼ-ԿԱՐ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով կայացնել պատճառաբանված որոշում և հիմք ընդունելով Օրենքի 6-րդ հոդվածի 2-րդ մասով սահմանված պահանջները՝ հիշյալ որոշումը գրավոր ուղարկել ՀՀ ֆինանսների նախարարություն:

2. Գործի քննության համար էական նշանակություն ունեցող փաստերը.

Ընթացակարգի քննության համար էական նշանակություն ունեն հետևյալ փաստերը.

1. Ընթացակարգի շրջանակներում 13-րդ, 16-17-րդ չափաբաժինների մասով ընտրված (հաղթող) մասնակից է ճանաչվել «ՎԱԼ-ԿԱՐ» ՍՊԸ-ն, որի հետ 2024 թվականի սեպտեմբերի 19-ին կնքվել է Պայմանագիր, որի շրջանակներում հետագայում հատկացվել են ֆինանսական միջոցներ և 2025 թվականի հունվարի 31-ին ու 2025 թվականի փետրվարի 11-ին ծանուցվել են համապատասխան համաձայնագրեր, առաջարկելով 15 աշխատանքային օրվա ընթացքում ստորագրել այն երկու օրինակից և ներկայացնել Պատվիրատուին, միաժամանակ, տեղեկացնելով, որ նշված ժամկետում համաձայնագիրը չստորագրելու և չներկայացնելու դեպքում պայմանագիրը Պատվիրատուի կողմից միակողմանիորեն կլուծվի՝ համաձայն Կարգի 33-րդ կետի 12-րդ ենթակետով սահմանված պահանջների, սակայն սահմանված ժամկետում՝ մասնավորապես 2025 թվականի փետրվարի 21-ը և 2025 թվականի մարտի 4-ը ներառյալ չի ներկայացվել մասնակցի կողմից հաստատված համաձայնագրերի տարբերակները:

2. Պայմանագիրը՝ 2025 թվականի մարտի 7-ից 13-րդ և 16-րդ չափաբաժինների մասով Պատվիրատուի կողմից միակողմանի ամբողջապես լուծվել է, միաժամանակ առաջարկելով Մասնակցի կողմից ներկայացված որակավորման և պայմանագրի կատարման ապահովումները՝ միակողմանի հաստատված հայտարարությունների տուժանքների տեսքով՝ գանձել, որի մասին գրությամբ տեղեկացվել է Մասնակցին սպասարկող բանկային կազմակերպությանը:

3. Մասնակցի կողմից սահմանված ժամկետում չի ապահովվել վերոնշյալ պահանջի կատարումը, մասնավորապես՝ 2025 թվականի մարտի 10-ին Մասնակցին սպասարկող բանկի կողմից ստացվել է գրություն, առ այն, որ «ՎԱԼ-ԿԱՐ» ՍՊԸ-ի դրամական միջոցները բավարար չեն տուժանքների հետ ներկայացված Վճարման պահանջագրերի կատարման համար:

4. Պատասխանատու ստորաբաժանման կողմից առաջարկվել է «ՎԱԼ-ԿԱՐ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով կայացնել պատճառաբանված որոշում և հիմք ընդունելով Օրենքի 6-րդ հոդվածի 2-րդ մասով սահմանված պահանջները՝ հիշյալ որոշումը գրավոր ուղարկել ՀՀ ֆինանսների նախարարություն:

3. Պատվիրատուի ղեկավարի հիմնավորումները և եզրահանգումը.

Մեծամոր համայնքի ղեկավար՝ Վ. Խաչատրյանս (այսուհետ նաև՝ Պատվիրատուի ղեկավար), ուսումնասիրելով Պատասխանատու ստորաբաժանման ղեկավարի կողմից ներկայացված գեկուցագիրը և կից փաստաթղթերը, հայտնում եմ հետևյալը.

Օրենքի 6-րդ հոդվածի 1-ին մասի 6-րդ կետի համաձայն Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը:

բ. որպես ընտրված մասնակից հրաժարվել կամ գրկվել է պայմանագիր կնքելու իրավունքից:

Օրենքի 6-րդ հոդվածի 2-րդ մասի համաձայն գնումների գործընթացին մասնակցելու իրավունք չունեցող մասնակիցները ցուցակը, այդ թվում՝ ռուսերեն, վարում և հրապարակում է լիազորված մարմինը: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա: Սույն մասում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը հրապարակելու օրվան հաջորդող տասն օրվա ընթացքում: Որոշումը կայացվելու հաջորդող օրը այն տրամադրվում է լիազորված մարմնին և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգ օրվա ընթացքում, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգ օրվա ընթացքում, եթե դատական քննության արդյունքով որոշման կատարման հնարավորությունը չի վերացել: Մասնակիցը նշված ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Օրենքի 35-րդ հոդվածի 1-ին մասի համաձայն, Պայմանագրի և (կամ) որակավորման ապահովումներ կայացնելու պահանջի հիման վրա այն ստանալու օրվանից հետո՝ հինգ աշխատանքային օրվա ընթացքում, ընտրված մասնակիցը պարտավոր է ներկայացնել ապահովումը: Եթե ապահովումը ներկայացվում է բանկային երաշխիքի ձևով, ապա սույն կետով նախատեսված ժամկետը սահմանվում է 10 աշխատանքային օր:

Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի և (կամ) որակավորման ապահովումը:

Օրենքի 36-րդ հոդվածի 3-րդ կետի համաձայն, եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո Օրենքի 35-րդ հոդվածի 1-ին մասով նախատեսված ժամկետում (այն է. «Պայմանագրի և (կամ) որակավորման ապահովում ներկայացնելու պահանջի հիման վրա այն ստանալու օրվանից հետո՝ հինգ աշխատանքային օրվա ընթացքում, ընտրված մասնակիցը պարտավոր է ներկայացնել ապահովումը: Եթե

ապահովումը ներկայացվում է բանկային երաշխիքի ձևով, ապա սույն կետով նախատեսված ժամկետը սահմանվում է 10 աշխատանքային օր: Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի և (կամ) որակավորման ապահովումը») չի ստորագրում պայմանագիրը կամ պատվիրատուին չի ներկայացնում պայմանագրի և (կամ) որակավորման ապահովումը, իսկ կնքվելիք պայմանագրով կանխավճար նախատեսված լինելու դեպքում՝ նաև կանխավճարի ապահովումը, ապա նա զրկվում է պայմանագիրն ստորագրելու իրավունքից:

Այսպիսով՝

- Մեծամորի համայնքապետարանի կարիքների համար կազմակերպված Ընթացակարգի շրջանակներում «ՎԱԼ-ԿԱՐ» ՍՊԸ-ն հայտարարվալ է հաղթող /ընտրված/ մասնակից, որի հետ 2024 թվականի սեպտեմբերի 19-ին կնքվել է ՀՀԱՄՄՀ-ԳՀԱՇՁԲ-24/89 ծածկագրով աշխատանքների ձեռքբերման պետական գնման պայմանագիր (այսուհետ՝ Պայմանագիր):
- Պայմանագրի շրջանակներում նախատեսված ֆինանսական միջոցների չափով 2025 թվականի հունվարի 31-ին ու 2025 թվականի փետրվարի 11-ին ծանուցվել են համապատասխան համաձայնագրեր, առաջարկելով 15 աշխատանքային օրվա ընթացքում ստորագրել այն երկու օրինակից և ներկայացնել Պատվիրատուին, միաժամանակ, տեղեկացնելով, որ նշված ժամկետում համաձայնագիրը չստորագրելու և չներկայացնելու դեպքում պայմանագիրը Պատվիրատուի կողմից միակողմանիորեն կլուծվի՝ համաձայն Կարգի 33-րդ կետի 12-րդ ենթակետով սահմանված պահանջների, սակայն սահմանված ժամկետում՝ մասնավորապես 2025 թվականի փետրվարի 21-ը և 2025 թվականի մարտի 4-ը ներառյալ չի ներկայացվել մասնակցի կողմից հաստատված համաձայնագրերի տարբերակները:
- Պայմանագիրը՝ 2025 թվականի մարտի 7-ից 13-րդ և 16-րդ չափաբաժինների մասով Պատվիրատուի կողմից միակողմանի ամբողջապես լուծվել է, միաժամանակ առաջարկելով Մասնակցի կողմից ներկայացված որակավորման և պայմանագրի կատարման ապահովումները՝ միակողմանի հաստատված հայտարարությունների տուժանքների տեսքով՝ գանձել, որի մասին գրությամբ տեղեկացվել է Մասնակցին սպասարկող բանկային կազմակերպությանը:
- Մասնակցի կողմից սահմանված ժամկետում չի ապահովվել վերոնշյալ պահանջի կատարումը, մասնավորապես՝ 2025 թվականի մարտի 10-ին Մասնակցին սպասարկող բանկի կողմից ստացվել է գրություն, առ այն, որ «ՎԱԼ-ԿԱՐ» ՍՊԸ-ի դրամական միջոցները բավարար չեն տուժանքների հետ ներկայացված Վճարման պահանջագրերի կատարման համար:

Ուսումնասիրելով հիմքերը, դրանք համադրելով առկա ապացույցների հետ՝ արձանագրում եմ, որ «ՎԱԼ-ԿԱՐ» ՍՊԸ-ն թույլ է տվել Օրենքի 6-րդ հոդվածի 1-ին մասի 6-րդ կետի «բ» ենթակետի խախտում, քանի որ որպես ընտրված մասնակից հրաժարվել կամ զրկվել է պայմանագիր կնքելու իրավունքից:

Օրենքի 6-րդ հոդվածի 2-րդ մասի համաձայն ՀՀ ֆինանսների նախարարությունը մասնակցին ներառում է գնումների գործընթացին մասնակցելու իրավունք չունեցող

մասնակիցների ցուցակում Պատվիրատուի ղեկավարի պատճառաբանված որոշման հիման վրա:

Օրենքի 6-րդ հոդվածի 2-րդ մասի համաձայն Մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Ելնելով վերոգրյալից և ղեկավարվելով Օրենքի 6-րդ հոդվածի 2-րդ մասով՝

ՈՐՈՇՈՒՄ ԵՄ՝

1. Պատասխանատու ստորաբաժանման ղեկավարի կողմից ներկայացրած հիմքերը՝ «ՎԱԼ-ԿԱՐ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու համար, գնահատել բավարար:
2. «ՎԱԼ-ԿԱՐ» ՍՊԸ-ի ներքոնշյալ տվյալները համապատասխան հիմքերով գրավոր ուղարկել լիազորված մարմնին՝ ՀՀ ֆինանսների նախարարությանը, «ՎԱԼ-ԿԱՐ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով՝ համաձայն հավելված 1-ի.
3. Սույն որոշումն ուժի մեջ է մտնում ստորագրման օրվան հաջորդող օրը:

ՀԱՄԱՅՆՔԻ ՂԵԿԱՎԱՐ՝

2025 թվականի մարտի 20
ք.Մեծամոր



Վ. ԽԱՉԱՏՐՅԱՆ



Հավելված 1
Մեծամոր համայնքի ղեկավարի
2025 թվականի մարտի 20-ի
թիվ 709-Ա որոշման

Մասնակցի						
Անվանումը	ՀՎՀՀ/Ֆիզ. անձի դեպքում հանրային ծառայության համարանիշը	գործունեության հասցեն	գնումների գործընթացին մասնակցելու պայմաններին չբավարարելու իրավական հիմքը			ցուցակում ներառելու մասին պատվիրատուի ղեկավարի կայացրած որոշման ամսաթիվը և գնման ընթացակարգի ծածկագիրը
			խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը	խախտել է պայմանագրով նախատեսված պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը	որպես ընտրված մասնակից հրաժարվել է կամ զրկվել է պայմանագիր կնքելու իրավունքից	
«ՎԱԼ-ԿԱՐ» ՍՊԸ	04221191	Հայաստան, ԱՐԱՐԱՏ, ԱՐՏԱՇԱՏ, ՄԱՐՔՍԻ Փ., Շ 6, Բն. քն.42			X	20.03.2025թ. ՀՀԱՄՄՀ-ԳՀԱՇՁԲ-24/89

Աշխատակազմի քարտուղար՝

Մ. Հովհաննիսյան